

U skladu sa Zaključkom Predsjedništva Bosne i Hercegovine, broj: 01-50-1-2685-17/19 od 16. jula 2019. godine, usvojenog na 4. redovnoj sjednici Predsjedništva Bosne i Hercegovine, održanoj 16. jula 2019. godine i u skladu sa Odlukom Predsjedništva Bosne i Hercegovine o postupku kandidovanja i imenovanja predstavnika Bosne i Hercegovine u međunarodnim organizacijama i institucijama („Službeni glasnik BiH, br. 66/08“), Ministarstvo inostranih poslova Bosne i Hercegovine, o b j a v l j u j e:

JAVNI POZIV

Za prijavu kandidata iz Bosne i Hercegovine na sljedeće pozicije u Međunarodnom krivičnom sudu, kako slijedi:

01. Član Savjetodavnog komiteta Međunarodnog krivičnog suda za izbor sudija u Međunarodni krivični sud

Kandidati treba da imaju dugogodišnju priznatu sudsku praksu, kompetencije i iskustvo u međunarodnom krivičnom pravu, da imaju priznat položaj i iskustvo na međunarodnom nivou uz visoke moralne kvalitete. Ukoliko budu izabrani u Savjetodavni komitet Međunarodnog krivičnog prava, kandidati neće biti predstavnici država ili organizacija, nego će služiti u svom ličnom kapacitetu i neće uzimati instrukcije država strana Rimskog statuta, drugih država, organizacija ili lica. Kandidati treba da posjeduju odlično poznavanje radnih jezika Međunarodnog krivičnog suda, a to su engleski i francuski. Ostali jezici Međunarodnog krivičnog suda su ruski, španski, arapski i kineski, te poznavanje ovih jezika predstavlja dodatni kvalitet. Mandat članstva u Savjetodavnom komitetu za izbor sudija Međunarodnog krivičnog suda traje tri (3) kalendarske godine i može biti predmet ponovnog izbora na još jedan mandat.

Odluku o nominaciji kandidata za izbor za navedenu poziciju donijeće Predsjedništvo Bosne i Hercegovine u skladu sa svojim ustavnim ovlaštenjima.

Konačni izbor za članstvo u Savjetodavnom komitetu Međunarodnog krivičnog suda za izbor sudija u Međunarodni krivični sud izvršiće Skupština zemalja članica Rimskog statuta na redovnom zasjedanju u Hagu u decembru 2019. godine. Skupština će izabrati jednog kandidata za popunjavanje jednog (1) mjesta u Savjetodavnom komitetu, poštivajući ravnopravnu geografsku zastupljenost predstavnika zemalja ugovornih strana Rimskog statuta, kao i pravičan odnos prema pripadnicima oba pola.

Podnosioci prijava, za poziciju člana Savjetodavnog komiteta Međunarodnog krivičnog suda za izbor sudija u Međunarodni krivični sud moraju ispunjavati sljedeće opšte uslove:

- Da su državljani Bosne i Hercegovine;
- Da nisu krivično gonjeni i kažnjavani;
- Da imaju visoko stručno obrazovanje i iskustvo u pravosudnim naukama na međunarodnom nivou;
- Da aktivno vladaju jednim od službenih jezika Međunarodnog krivičnog suda (engleski ili francuski)

Uz prijavu na Javni poziv, kandidati moraju priložiti sljedeće dokumente:

- Biografiju, na jednom od jezika BiH, sa kontakt podacima (broj telefona, adresa, prebivalište)
- Uvjerenje o državljanstvu, ne starije od šest (6) mjeseci
- Uvjerenje od nadležnog Suda da se protiv kandidata ne vodi krivični postupak
- Kopija diplome o završenom fakultetu
- Sertifikat o aktivnom znanju jednog od radnih jezika Međunarodnog krivičnog suda (engleski ili francuski)

Podnosioci prijava, u pisanoj prijavi, pored ostalog, treba da navedu i motiv podnošenja prijave na Javni poziv, uz obrazloženje zbog čega smatraju da su osobe koje mogu obavljati napred navedene poslove, te da navedu iskustva iz oblasti međunarodnog krivičnog prava.

Javni poziv se objavljuje na web stranici Ministarstva inostranih poslova Bosne i Hercegovine.

Rok za prijavljivanje kandidata je deset (10) dana od dana objavljivanja Javnog poziva.

Prijave na Javni poziv, sa kompletnom dokumentacijom, potrebno je dostaviti neposredno ili putem pošte, preporučeno na adresu: **Ministarstvo inostranih poslova Bosne i Hercegovine; ulica Musala 2; 71 000 Sarajevo, sa obaveznom naznakom: „Javni poziv – Međunarodni krivični sud“**

Nepotpune i neblagovremene prijave neće se uzeti u razmatranje.

02. Član Komiteta za budžet i finansije Međunarodnog krivičnog suda

Kandidati treba da imaju priznat položaj i iskustvo u području finansija na međunarodnom nivou. Kandidati treba da posjeduju odlično znanje radnih jezika Međunarodnog krivičnog suda, a to su engleski i francuski. Ostali jezici Međunarodnog krivičnog suda su ruski, španski, arapski i kineski. Mandat članstva u Komitetu za budžet i finansije Međunarodnog krivičnog suda traje tri (3) kalendarske godine i može biti predmet ponovnog izbora na još jedan mandat.

Odluku o nominaciji kandidata za izbor za navedenu poziciju člana Komiteta za budžet i finansije Međunarodnog krivičnog suda donijće Predsjedništvo Bosne i Hercegovine u skladu sa svojim ustavnim ovlaštenjima

Konačni izbor za članstvo u Komitetu za budžet i finansije izvršiće Skupština zemalja članica Rimskog statuta na redovnom zasjedanju u Hagu u decembru 2019. godine. Skupština će izabrati šest kandidata koji treba da popune šest upražnjenih mjesta poštujući ravnopravnu geografsku zastupljenost. Istočno evropskoj grupi – kojoj pripada i Bosna i Hercegovina – upražnjeno je jedno (1) mjesto u Komitetu za budžet i finansije.

Podnosioci prijava, za poziciju člana Komiteta Međunarodnog krivičnog suda za budžet i finansije treba da ispunjavati sljedeće opšte uslove:

- Da su državljani Bosne i Hercegovine;
- Da nisu krivično gonjeni i kažnjavani;
- Da imaju visoko stručno obrazovanje i iskustvo u oblasti međunarodnih finansija;

- Da aktivno vladaju jednim od službenih jezika Međunarodnog krivičnog suda (engleski ili francuski)

Uz prijavu na Javni poziv, kandidati moraju priložiti sljedeće dokumente:

- Biografiju, na jednom od jezika BiH, sa kontakt podacima (broj telefona, adresa, prebivalište)
- Uvjerenje o državljanstvu, ne starije od 6 mjeseci
- Uvjerenje od nadležnog Suda da se protiv kandidata ne vodi krivični postupak
- Kopija diplome o završenom fakultetu ekonomskih nauka
- Sertifikat o aktivnom znanju jednog od radnih jezika Međunarodnog krivičnog suda (engleski ili francuski)

Podnosioci prijava, u pisanoj prijavi, pored ostalog, treba da navedu i motiv podnošenja prijave na Javni poziv, uz obrazloženje zbog čega smatraju da su osobe koje mogu obavljati napred navedene poslove, te da navedu iskustva iz oblasti međunarodnih finansija.

Javni poziv se objavljuje na web stranici Ministarstva inostranih poslova Bosne i Hercegovine.

Rok za prijavljivanje kandidata je deset (10) dana od dana objavljivanja Javnog poziva.

Prijave na Javni poziv, sa kompletnom dokumentacijom, potrebno je dostaviti neposredno ili putem pošte, preporučeno na adresu: **Ministarstvo inostranih poslova Bosne i Hercegovine; ulica Musala 2; 71 000 Sarajevo, sa obaveznom naznakom: „Javni poziv – Međunarodni krivični sud“**

Nepotpune i neblagovremene prijave neće se uzeti u razmatranje.
